

Hebbe Hebbe awenochi

Despues di un espectacular 'Kick-Off Party' awor ta turno pa e Hebbe Hebbe Happening annual. E aña'ki lo tuma lugar riba e parkeerplaats di Postkantoor di Oranjestad y un biaha mas nos organisacion a logra contrata e atraccionnan mas grandi di Carnaval. E bandanan aki lo duna nan presentacion dia 31 di Januari, esta BMW cu su 'Aruba ta Hot', Sound & More cu nan 'Trapa Trapa' y huntu cu nan como invitado special Valentino King cu lo pone tur hende 'Thrill'. Y pa clausura e anochi cu un fiesta tota lo ta NBO cu e Roadmarch King The Hammer cu su 'Wild Donkey' huntu cu Lord Papito cu su 'A A Afo'. Tambe Popcorn Dancers lo haci un presentacion. Heineken ta invita pueblo di Aruba for di 7'or di anochi pa bin goza di e atraccionnan y ademas disfruta di un dushi Heerlijk, Helder Heineken!

Mescos cu tur aña, lo haci entrega di e 'Heineken Lifetime Achievement Award.' E ta ser entrega na un persona cu tin y tabatin un gran aporte na Aruba su Carnaval. E aña aki e ta toca nos e honor di otorga e premio aki na Marcia Stamper.

Marcia Stamper ya pa 40 aña ta un motor grandi tras di diferente gruponan Carnavalesco. Na e mesun momento representando Aruba su Carnaval den exterior cosechando hopi exito. Marcia hopi pabien!